



BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
OPĆINSKI SUD U SARAJEVU  
Br. 065-0-SU-26-000819  
Sarajevo, 09.06.2026. godine

Na osnovu člana 70. Zakona o javnim nabavama (Sl. glasnik BiH“ broj 39/14, 59/22, 50/24) i člana 16. Pravilnika o unutrašnjoj organizaciji i sistematizaciji Općinskog suda u Sarajevu broj: 065-0-SU-17-002702 od 09.01.2018. godine, na preporuku Komisije za javnu nabavu formirane Rješenjem broj: 065-0-SU-26-000383 od 18.02.2026. godine u otvorenom postupku javne nabave usluga: Nabava usluga tiskanja/štampanja za potrebe Općinskog suda u Sarajevu, Predsjednik suda d o n o s i:

### **ODLUKA o izboru najpovoljnijeg ponuditelja**

#### **Član 1.**

Prihvata se Preporuka Komisije za javne nabave i Okvirni sporazum u iznosu od 158.859,36 KM bez PDV-a za nabavu usluga: Nabava usluga tiskanja/štampanja za potrebe Općinskog suda u Sarajevu dodjeljuje se izabranom ponuditelju „Svjetlost BH print d.o.o. Sarajevo“, a prema pristigloj ponudi br. : 12-05/26 od 12.05.2026. godine kao najbolje ocijenjenom.

#### **Član 2.**

- (1) Prijedlog Okvirnog sporazuma dostavit će se na potpis izabranom ponuditelju nakon isteka/ispunjenja Okvirnog sporazuma koji je trenutno na snazi.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabave, a u skladu sa točkom 5.1 Osobna sposobnost i 5.3 Ekonomska i finansijska tenderske dokumentacije za predmetnu nabavu.
- (3) U slučaju da izabrani ponuditelj propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

#### **Član 3.**

Ova odluka objavit će se na web stranici suda opsud-sarajevo.pravosudje.ba , istovremeno sa upućivanjem iste ponuditeljima koji su sudjelovali u postupku javne nabave, u skladu sa članom 70. stav (6) Zakona o javnim nabavama.

### **Obrazloženje**

Postupak javne nabave pokrenut je Odlukom o pokretanju postupka javne nabave broj 065-0-SU-26-000819 od 19.05.2026. godine. Javna nabava je provedena putem Otvorenog postupka. Procijenjena vrijednost javne nabave bez PDV-a iznosi do 160.000,00 KM. Tekst otvorenog postupka učinjen je dostupnim svim zainteresiranim ponuditeljima, na portalu javnih nabava [www.ejn.gov.ba](http://www.ejn.gov.ba) uz objavljeno obavještenje o nabavi pod brojem 1299-1-2-82-3-38/26 od 28.04.2026. godine.

U skladu sa Odlukom o pokretanju postupka, Komisija za provođenje postupka javne nabave formirana Rješenjem broj: 065-0-SU-26-000383 od 18.02.2026. godine je sprovela proceduru nabave, obavila javno otvaranje ponuda te načinila i dostavila Zapisnik o pregledu i ocjeni ponuda.

Zapisnik o pregledu i ocjeni ponuda broj: 065-0-SU-26-000819 od 09.06.2026. godine čini sastavni dio ove Odluke i u istom je utvrđeno sljedeće:

- da je ukupan broj pristiglih ponuda četiri (4)
- da su blagovremeno zaprimljene ukupno četiri (4) ponude
- da su ponude dostavljene od strane : Svjetlost BH print d.o.o. Sarajevo, Štamparija Fojnica d.d. Fojnica , Prima prom d.o.o. Banja Luka i Grafičar d.o.o. Bihać.

- da su dvije (2) zaprimljene ponude prihvatljive za ugovorni organ
- da vrijednost najniže dostavljene prihvatljive ponude (prije e-aukcije) iznosi 158.859,36 KM bez PDV-a (Svjetlost BH print d.o.o. Sarajevo) a najviše 158.883,155 KM bez PDV-a (Primaprom d.o.o. Banja Luka).

Komisija je utvrdila da ponude sljedećih ponuditelja: Svjetlost BH print d.o.o. Sarajevo, i Primaprom d.o.o. Banja Luka ispunjavaju sve uslove za kvalifikaciju u skladu s točkom 5. Uslovi za kvalifikaciju tenderske dokumentacije za predmetnu nabavu i ostale uslove propisane od strane Ugovornog organa. Isti ponuditelji su pozvani da sudjeluju u e-aukciji čije je provođenje predviđeno tenderskom dokumentacijom za predmetnu nabavu i koja je zakazana s datumom održavanja na dan 05.06.2026. godine s početkom 09:00 sati. U skladu s Izvještajem o toku i završetku e-aukcije ista je trajala ukupno 10 minuta (e-aukcija je završena u 13:05 sati) bez snižavanja početnih cijena.

**Podatci o ponuditeljima koji su dostavili neprihvatljive ponude:** Uvidom u ponudu ponuditelja Štamparija Fojnica d.d. Fojnica komisija je utvrdila da je ponuditelj dostavio (prvobitni) Aneks 3, no budući da je ugovorni organ vršio izmjene tenderske dokumentacije dana 06.05.2026. godine i izmijenio Aneks 3 koji je ujedno i tehnička specifikacija nije dostavljen izmijenjeni Aneks 3 u sklopu ponude, i njegova ponuda je nepravilna odnosno neprihvatljiva i odbija se u skladu s Čl. 68 stav 4) točka i.

Uvidom u ponudu ponuditelja Grafičar d.o.o. Bihać komisija je utvrdila da je ponuditelj dostavio (prvobitni) Aneks 3, no budući da je ugovorni organ vršio izmjene tenderske dokumentacije dana 06.05.2026. godine i izmijenio Aneks 3 koji je ujedno i tehnička specifikacija nije dostavljen izmijenjeni Aneks 3 u sklopu ponude, i njegova ponuda je nepravilna odnosno neprihvatljiva i odbija se u skladu s Čl. 68 stav 4) točka i.

Uzimajući u obzir da je komisija u cijelosti pravilno postupila i da je izbor najpovoljnijeg ponuditelja izvršen u skladu sa Zakonom o javnim nabavama, podzakonskim aktima i tenderskoj dokumentaciji u cijelosti se prihvaća Zapisnik o pregledu i ocjeni ponuda od 09.06.2026. godine.

Tabelarni pregled pristiglih ponuda – rang lista prihvatljivih ponuditelja za nabavu usluga tiskanja/štampanja, za potrebe Općinskog suda u Sarajevu nakon održane **e-aukcije** glasi:

R.B.	Naziv ponuditelja	Vrijednost ponude KM bez PDV-a
1.	Svjetlost BH print d.o.o. Sarajevo	158.859,36
2.	Prima Prom d.o.o. Banja Luka	158.883,155

U skladu sa kriterijem najniža cijena tehnički prihvatljive ponude, Okvirni sporazum za nabavu usluga: tiskanja/štampanja za potrebe Općinskog suda u Sarajevu dodjeljuje se ponuditelju „Svjetlost BH print d.o.o. Sarajevo“ na period **od 12 mjeseci**, u iznosu od 158.859,36 KM bez pdv-a.

#### PRAVNA POUKA

Svaki ponuditelj koji ima legitimni interes u predmetnom postupku javne nabave, a koji smatra da je ugovorni organ u toku postupka prekršio jednu ili više odredbi Zakona o javnim nabavama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona.

#### Prilog:

1. - Zapisnik o pregledu i ocjeni ponuda broj: 065-0-SU-26-000819 od 09.06.2026. godine

#### Dostaviti:

1. Svim učesnicima u postupku
2. Komisija za javne nabave
3. Služba računovodstva
4. a/a

Predsjednik suda

Damir Batotić